

Меельце вал

Кода эрзянь ломань, мон покш мельспаросо арсян тыненк ёвтнемс ды теевемс малавиксэкс “Эрзянь питнейчи эстонь архивтнесэ” книганть марто. Тесэ пурназь материалось, кона невти эрзянь ды мокшонь сюпав культуранть, теде башка ёвтневи Эстониясо эрзянь ды мокшонь диаспоранть важодемадонзо. Фольклордонть башка ламо лия содамочить пурнасть эстонь ванныцятне келенть коряскак. Ней весемесь ванстови эрва кодамо архивтнесэ, конат ульнест пурназь Мордовия, Татарстан Республикатнесэ ды Куйбышевень (неень Самарань) областтнесэ.

Нетъ материалтнэ пурназельть 1913–2024-це иетнесэ. Ванноматнень ютавтомсто оймень ды материальной коень-кирдань невтевктнэде башка улить дневникть, комментарий, фольклористнэнь, этнографтнень, лингвистнэнь, музыковедтнэнь, студенттнэнь ды фотографтнень тешкставксост.

Пингень перть ламось полавтневсь – полавтоматне редявить ванноматнесэ ды исследованиятнесэ. Ламо экспедициятне ютавтневсть Мордовиянь АССР-сэ (течи – Мордовия Республика). Теке марто ламо материалт пурназельть Михаил Чувашовонь (1909–1973) ды Виктор Даниловонь (1942–2002) пельде. Сынст виев ёжомарямост кепедсть мель пурнамс эрзянь койтнень-кирданть коряс содамочить. Сынст важодемаст ульнест нежедезь вейс эрзянь ёнксонть коряс Татарстанонь Куйбышевень буень ды Самарань областтнес. Ламо материалт пурназельть васняк велень сыре ломантнень пельде, сынст ютксо ульнест морыцят, лайшицят, тонавтыцят, колхозникть ды велень важодицят.

Эсь важодемасост М. Чувашов ды В. Данилов тевс нолдасть материалонь пурнамосонть сехте ламо интервьют ды тематической кортамот. Эрзянь ды мокшонь диаспоранть тонавтнемстэ мон теде башка тевс нолдыя ванномань методонть, секс мекс монськак улян вейсэндявксонь пельксэкс, теке марто нежединь эсень ванноматнень ды тешкставктнэнь лангс. Ансяк зярыя вишка пелькст нетъ источниктнень эйстэ седе икеле печатакшность эстониянь ды лия масторонь учёнойтне.

Книгась максы систематикань вановкс эрзянь материалтнэнь коряс Эстониясо. Эрзянь ды мокшонь материалось ванстови Эстонь Литературань музеень фольклоронь архивсэ, Эстониянь раськень музейсэ, Эстонь келень институтсо, Эстониянь музыкань ды театрань академиясо, Тартунь университетсэ, Эстонь Эрзянь ды мокшонь диаспорань архивсэ ды теке марто Жанна Пяртлас музыковедэнтэ эсензэ архивсэ. Нетъ материалтнэ невтезь-ванстозь

эрва кодамо форматсо – кедьсэ сёрмадовкстнэсэ ды дневниктнесэ, теке марто аудио-, видео-, цифрань сёрмадовкстнэсэ.

Мон важдинь Ольга Ивашкевич цифрань архивариусонть марто – минь вейсэ ютавтынек метаданнойтнень, одкстомтынек ды ванькскавтынек тексттнень. Теде башка материалтнэ одкстомтозь ды совавтозь <https://www.folklore.ee/rl/folkte/sugri/mordva/> сайте, кона алтазь эрзянь ды мокшонь культурантень. Сайтэнтъ теинек Илона Колосова марто. Сайтэнтень совавтозь книгат, наукань статьят, фотографият, кедьсёрмадовкст ды нотань сёрмадовкст. Неть материалтнэ лездыть неемс эрзянь фольклоронь ды этнографиянь койтнень-кирдатнень историянь эрва кодамо шкасто.

Лездеамонть кис ёвтан седейшкавань сюкпря важдемань истят ялгатненень: Маре Кыйванень – весе проектэнтъ перть эрва кодамо лездеамосо, Аста Нийнэметснэнь ды Николай Кузнецовнень тексттнэнь витнеманть кисэ, Марис Куперьяновнень, Сергей Сидоровнень ды Диана Кахрэннэнь книганть чачонь мазылгавтоманть кисэ. Теке марто башка сюкпря Эстононь-эрзямокшонь вейсэндявксонтень тиринь келень ды культурань ванстоманть ды кемекстамонть кисэ. Светлана Кармнэнь лездеамонть кисэ Раськенё музеентъ коряс, Анна Венчакованень музеентъ системань невтеманть кисэ. Ламо содамочи макссь Яак Прозес эсь кочказь материалстонзо диаспоранть коряс. Сюкпря Жанна Пяртласнэнь материалонть кисэ, конась ванстови эсензэ архивсэ. Сюкоянн весенень, кие вансты ды кемексты минек питнейчинть архивтнесэ ды лездась книганть лисемантень.

Эстониясо финнэнь-угрань вейсэнь важдемась моли малав пингень перть. Те шкантъ перть пурназельть раськенё питней оршамопельтнень коллекциятне, мазылгавтомпельтне, кудопотмонь кедьёнкстэнь коряс фольклоронь этнографической ды лингвистической сюпав материалтнэ. Мордовияв, Татарстанов ды Башкортостанов советэнь шкане экспедициятне макссть ламо содамочить, конат кандсть покш смусть эрзянь, мокшонь келень ды культурань ванстомсто.

Эстононь эрзянь ды мокшонь диаспорась невти башка ёнкс культурань ванстомасо. Диаспоранть важдемазо, эрзянь, мокшонь келень ды культурань сюпав фондтнэ, конат ванстовить Эстониясо, аштить башка пельксэкс Эстононь масторонь культурасонть.

Эстононь архивтнесэ материалтнэ тешкстыть тевкадовкстнэнь сюпавчист, конатнень питнейчист касы иеде иес. Пурназь ды ванстоць материалтнэ кандыть покш мельявома фольклористтнэненень ды наукань лия исследовательтненень. Теде башка неть содамочитне кандыть лезэ тонавтомань лия ёнкстнэсэяк.